

در سعادتده باب عالی جوارنده
دائرة مخصوصه

مجله اداره :

مسئله قضا

خطار :

مسئله موافق آثار جدیده مع المنوبه
قبول اولیور
درج ابدیه بن آثار اعاده اولیور

دیر، فلسفه، علوم، حقوق، ادبیات و سیاسیات و باطالع کرم سیاسی و کرم اجتماعی و مدنی احوال و شیوه اسلامیه در بحث ایدر و هفته در نشر اولیور.

آبونه بدلی

صاحب و مؤسسه :

ابوالعلا زین العابدین - ح. اشرف ادیب

در سعادتده نسخه سی ۵۰ باره در

سنه لکی

القی آلتی

ممالک عثمانیه ایچون ۶۵ ۳۵ غروش

روسیه ۶۵ ۳۰۰ روبله

سائر ممالک اجنبیه ۱۷ ۹ فرائق

تاریخ تاسیسی

۱۰ تموز ۳۲۴

قیرلهدن مقوا بورو ایله کوندریلیرسه سنوی

۲۰ غروش فضله آلیر

عدد : ۱۰۱

۵ شبان ۳۲۸ پنجشنبه ۲۹ تموز ۳۲۶

در دنجی جلد

تاریخ اسلامیت

نام مستطابرد دو قنور « دوزی » نك تركبیه منبرم رساله

فارشی رویه

— ۲۵ —

ینه دو قنور دوزی ، باقی نه دیبور :

« یکریمی درت یاشنده محمد « ص . ع » سیاح صفتیله زنکین برطول قادینك ، خدیجه نك [رضی اه عنها] خدمتته کیردی .

خدیجه ایکی دفعه تزوج ایتمیددی . کاروانلرله بویوک تجارتلر یاپیوردی . او قدر خوشنه کیتدی که خدیجه ست ازدواجی عمده اوزاتدی . خدیجه آرتق تازه دکلدی . یاشی قرقه یاقلاشیبوردی . لکن کنجلك و کوزلك خصوصلرنده کی نواقصی زنکینلکیله تضمین اولنیوردی .

استقبال معیشی سی هیچده بارلاق کورنمین محمد (ص . ع) ازدواج تکلیفی قبول ایتدی . خدیجه ایچون بو ازدواج محبت و حرمت اوزرینه مؤسس ایدی . فقط عمده اونك محبتی محبتله قارشیلادی . وفاتندن سوکرا پك چوق زمانلر کچدیکی حالد خدیجه نك فضائلی ثنا ایدردی و اونك تذکاری ایچون وقت وقت بر قویون بوغازله برق اتی قفرايه تقسیم ایدردی . خدیجه نك وفاتندن اوچ سنه سوکرا تزوج ایتدیکی و دیگر الی قادین ایله محمد « ص . ع » ك فراش زوجیتنه مشترک بولمش اولان عائشه « ر . ض » محمد « ص . ع » ك زوجه لری ایچنده خدیجه قدر حسد ایتدیکم یوقدر . چونکه او دیشسز اختیار قادینی طائفه نسانك نمونه سی اوله رق دائما ذکر و ثنا ایدیوردی دیمکی عادت ایتمیددی .

ازدواجدن سوکرا ده محمد « ص . ع » خدیجه یه تابع اولمقدن فارغ اولمادی . خدیجه ثروتنك اداره سنی حفظ ایتک فطانتنه مالک ایدی . زوجنه محتاج اولدینی شیلری و یا خود زوجنه ویرمک ایسته دیکی شیلری ویرردی . « (دوزی) نك بورادده تحریف حقیقت قیلندن بر طاقم اسنادات غرضکارانه سی یکنظرده کوزه چاریمقدده در . بو محررک مایه

ذاتیسی اقتضاسنجه هر فضیلتی نقیصه کورمک و کوسترمک چالشیمق خصال ریئه سنه مالک اولدینی بومقوله سوزلریله تماماً تجسم ایدیور . کال تهالکله بوتون کالات محمدیه یی سوء تأویله ازغرتهرق نقائصه تحویله یلته نیور ، نه قدر واضح و آشکار اولورسه اولسون غلویت شان نبوی به شهادت ایدن هر حقیقته قارشی سفسطه قارشیدیرمغه وار قوتیله صاواشیور .



کتب سیر و تواریخده تفصیل اولنان قصه مبارکه ازدواجی مبادی علیه سیله برابر تلخیص ایدم که دوزینك تعییرات غرض کارانه سیله مرتبه تجاوزاتده بولندی تیین ایتسون . (و بن الله التوفیق والهدایه) . اولاً حضرت خدیجه ، خدیجه الکبری والدم من نه درجه اصیله ، نه قدر پاکیزه بر قادین ایدی .

حضرت خدیجه (ر . ض) نسبی رسول اکرم افندیملک اجداد کرامندن جناب (قصی) منتهی اولان اشراف قریشدن خویلد بن اسد نام ذاتک کریمه محترمه سیددی . والدوسی فاطمه بنت زائده . الاصمدرکه عامر بن لوی اولاندنددر . کنندیسی غایت اهل تمکین و فرط زکایه مالک اولوب حائز اولدینی ثروتیله تجارت ایدردی . کوله لری واسطه سیله یایدینی معاملاتدن باشقه مضاربه تعییر اولنان شرکت عقدندنده کیری طورمازدی . امنیت ایتدیکی کیمسه لره مناسب مقدار سرمایه ویره رک ربخه اشتراک ایدردی . زماننده سیده نسا طانیلیردی . کال نزاهت و صیانتنه مبنی هنکام جاهلیتده نسوان قریش آردسند « طاهره » عنوانیله یاد اولنوردی ، اکبر زوجات سنیه اولسی حسیده مؤخرأ (خدیجه الکبری) تلقیب اولمشلردر . ایکی دفعه تزوج ایتش ایدسه ده برنجی زوجی مالک نام کیمسه که

ابو هاله کنیه سیله معروفدر - هند وهاله نامنده [۱] ایکی فرزند نجیب تولدندن صوکر و فات ایتدیکی کی زوج ثانسی اولان عتیق بن عابد مخزومی نامنده کی ذات ده هند نامنده بر قیز ترك ایده رك وفات ایتمشیدی. مشار الیه انك ثروتی زوج اولی اولان ابو هاله دن انتقال ایتمش اولسه کر کدر . ست زینب فواز خانم « الدر المنثور » نام بویوک وغایت قیمتی طبقات نسا سنده بویله دیور . ثانیاً جناب رسالتینده افندیمرک حضرت خدیجه نك مالیه تجارت ایتلری نه صورتله واقع اولدی . ابو طالب حضرتلری بر کون رسول اکرم افندیمره خطاباً دیمشدی که « ای سو کیلی یکم ! توالی ایدن شو بر قاج قحط سنه لری کچنمه منی نه حاله کتیر دیکنی بیلیر سکنز . تجارت قافله سنك شامه حرکت ایده جکی زمان تقرب ایتدی . خویلدك کریمه سی جناب خدیجه نك امین اولدینی کیمسه لره سرمایه ویردك تجارت اشتراك ایتدیر دیکنی ده مسموعکنز اولمشدر . اگر سز مرا جمعت بیر رسه کز شبهه ایتم که غیری کیمسه لره ویردیکنی حصه تجارتك ایکی مثلنی سزه مع الافتخار ویرر . بویله بر زحمته قاتلانسه کز حقمزده خیرلی اوله جفی آشکاردر . فقط کیدرسه کز کچن سفر مزده « بحیرا » طرفندن وقوع بولان اخطاره رعایتله اننای عزیزمده او طرفلرده ساکن اولان قوم یهوددن تحاشی بیورمکزی ده آیروجه رجایدرم .

رسول اکرم حضرتلری : « مناسبدر بلکه بکا کنیدیسی خبر کوندیرر . بیورمش ، ابو طالب بوجوابله پک . مطمئن اولمامش ایدی . فقط نصلسه خدیجه حضرتلری محاوره واقعه یه مطلع اوله رق افندیمری خانه سنه دعوت ایتدردی . صدق وامانت ، کرم اخلاق و حصافتلرندن بخت ایله اگر موافقت بیورورلر سه هرکسه ویردیکنی تجارتك ایکی مثلنی اعطا ایده جکنی سویله دی . رسول اکرم عودتله عموجه سی ابوطالبه حکایه حال بیوردقلری زمان اظهار محظوظیتله (ان هذا الرزق ساقه الله الیک) دیدی . مع مافیه بویوک اندیشه یه گرفتار اولدی .

بونك اوزرینه رسول اکرم افندیمر یکرمی دردنجی سنه ولادتك ذی الحجه سی ختامه اون درت کون قاله رق حضرت خدیجه نك میسره نام غایت زکی غلامی ، اقرباسندن خزیمه بن حکیم نام کیمسه نك رفاقنده

[۱] هند بن ابی هاله غایت فصیح و بلیغ بر ذات اولوب حضرت حسن (رض) کی ذوات کنیدیسنندن حدیث روایت ایتمشلردر . از جمله شمائل ترمذینك باش طرفنده حسن افندیمر حضرتلری - دایم هند بن ابی هاله دن ایشتم که وصاف نعت پاک محمدی ایدی دییه - اوصاف قدسیت اشلاف رسالتیناهییه دائر اولان حدیث طویل مشهوری مشار الیه دن روایت ایتشددر . حلیه مبارکه نبویه تصویرنده مشتاقان جمال احمدی بوحدی اساس طوتارلر . جودت پاشا مرحومك طبع ایتدیرمش اولدینی حلیه سعادت لوحه مبارکه سی ده بوندن مترجدر . پدرلرندن یتیم قالان صحابی مشارالیه برادری هاله (رض) کی رسول اکرمك ریبب مکرمی اولوب خانه سعادتده تربیه کورمش و بو سایه ده مظهر سعادت اولمشلردر . دیگر هند قیز اولوب عمزاده سی صبی نام کیمسه یه تزویج اولمش ، بو دخی قبول اسلامیتده تردد ایتتمشدر .

کاروان ایله عازم شام اولمشلردی . [۲]

عزیمتلرندن اقدم حضرت خدیجه (رض) غلامی میسره یه صاقین حضرت محمدك امرینه مخالفت ایتمه ، رأی رزینلرینه تابع اول دییه امر ایتمش رسول اکرمك عموجه لری ده قافله رجالتنه کنیدیسنی کوزتملرینه دائر توصیه لرده بولمشلردی . سوریه یه مواصلتلرنده (بصری) حوران جوارینه قوندیلر . رسول اکرم حضرتلری اوراده بر آجاج آلتنده بولندقلری هنگامه مقدمه ابوطالب ایله اولان سفرلرنده ملاقی اولدقلری (بحیرا) نك صومعه سندن بوکره (نسطورا) نام راهب کله رك اولکی سفرلرندن طولای طایمقده اولدینی (میسره) یه « آجاج آلتنده بولنان ذات کیمدر ؟ » دییه سؤال ایتسیله قریشلردن اهل حرم مکهدن محمد نام ذات جوابنی آلدی . دها بر قاج سؤال صوروب علامات نبوته متعلق آکلامق ایستدیکنی آکلادقدن صوکر « یا میسره ! محقق بیلکیز که بواودر ، بوزمانده ظهوری موعود اولان آخر انیادر . نولهیدی بن ده زمان بعثتنه یتشمش اوله یدم » دیدی . امام نیسا بوری (رح) (شرف المصطفی) نام کتابنده شویله یازیورلر . راهب مومالیه ذاتاً حین قدوملرنده رأس سعادت اوزرنده سایبان اولان غمامه یی ، بیاض بولوت پاره سی عیاناً کورمش بوندن طولای مراقبه دوشمش ایدی . مؤخرآ بر نهج سابق آلدینی معلومات ایله شهه سی زائل اوله رق خاتم الانبیا افندیمرک نزد مبارک رینه واردی . کمال احترامله مبارک باشنی و دیزلرینی اویره رك علامات جلیله سی کتب سماویه ده مسطور ، آخر زمانده ظهوری موعود نبی ذیشان اولدینغه شهادت ، ایمان و تصدیقه مبادرت ایلدی . مهر نبوتی مشاهده ایله برقات دهامظهر فیض و سعادت اولمسیچون کتف سعادتك کشفی نیازنده بولندی . نور رخشان خاتمی ده کورنجه اطمینانی تزیاید ایده رك بلند آواز ایله کله شه سادتی تکرار ایلدی . بو وقعیه یی مشاهده ایدن کاروان خلقی حیرتده قالدیلر رسول اکرم افندیمره ابراز ایتمکده اولدقلری احتراماتی قات قات آتیردیلر . اه [بونسطورا دینلن مبارک راهی سلك اصحابده تعداد ایدن کیمسه کورمدم . بحیرانی ایسه بعض علما اوزمره جلیله یه الحاق ایتشددر . حالبوکه اوره لرنده فرق یوقدر . انجق سوزك طوغریسی بویله قبل النبوه شهادتده بولنان ذواتك برینی صحابی دکل مسلم بیله عد ایده مه یز . بونلر اهل فترتک ناجی قسمنده داخل اوله بیلیرلر . قاعده مقرریه توفیقاً نشرندن صوکر دین اسلامی قبول ایدنلر مسلم اوله جقلری کی

[۲] مومالیه خزیمه نك اثنای عزیمت و عودتده مشاهده و جناب نسطورادن تنقی ایلدیکی علامات و معلومات سایه سنده قلبی تنور ایده رك اهتدا وفتح مکهدن صوکر اصحاب کرام سلكکنه التحاق ایتدیکی تاریخ خیسده مذکوردر . اما میسره زمان بشته قدر معمر اوله مامش اولمالی که اسلامیتنه دائر روایت یوقدر . یالکیز ابن حجر مرحوم (الاصابه فی معرفه الصحابه) نام اثر عالیرنده حقنده روایت صریحه اولمادیغنی اعترافله برابر احتمال اوزرینه مومالیه یی ده اصحاب صره سنده تعداد ایتشددر . حالبوکه کنیدیسی ده « نخبه الفکر » نده تصریح ایلدیکی اوزره ثبوت صحبت ، تواتر و شهرت و استفاضه دن باشقه اصحاب کرام و یائقات تابعیندن برذاتك اخباری ایله معلوم اوله بیلیر . امکان و احتمال ایله اولماز . (شرح المواهب)

بعدالبعثه حضرت رسوله ملاقی اولان مؤمنانده صحابی عد اولنورلر .
بنابرین ابن حجر عسقلانی (اصابه) سنده بحیرانی صحابی عد ایدنلری
تخطئه ایتشدیر [

حوران بنایرنده بر قاج کون ظرفنده کتیردکلی شیلری تماماً
صاتوب آله جقلریخده آلدیلر . [آلم صلاتیم نهیه متعلق اولدیفنه
دائر صراحت بوله مدم] ، پاك چوق تجارت ایتدیلم . حتی میسره
دیمش که یا محمد : بن طاهره ایچون بورایه بلکه قرق قدر سفرایتدم ،
بویله قزانج کورمدم .

بوندن باشقه اثنای معاملهده - مواضعه احتمالی غالب اولمق اوزره -
برسی رسول اکرم حضرتلرینه لات وعزایه قسم ایتیمی تکلیف
ایتمش ، رسول افخم افندیلمز بن عمرمده بویله یمین ایتدم جوابی
ویرمش اولمغایه او کیسه سر آمیسره یه «بوذات ایلروده نی اوله جقدر .
احوال مبارک لرینی ایجه تدقیق ایتدم . مبشره اولان نی یه مخصوص
علاماتی تماماً کنیدیسنده بولدم » دیمش ، میسره بواقادینی دراهبندن آلدینی
معلومات صحیحیه علاوه ایتش ایدی .

کذلک میسره نك یوله کلیرکن یاننده بولنان ایکی دودنک یورولوب
کیروده قالمسندن ناشی قورقوب اظهار تلاش ایله صدر قافلهده بولنان
رسول اکرم حضرتلرینه اخبار کیفیت ایتمی ، اول حضرت بالذات
دودلرک یاننه وارهرق آرقه لرینی مسح وکنیدیلرینی تعویذ بیورمسی
اوزرینه مذکور دودلرک عظیم قوت بوله رق دیگر دودلری سبق
ایتمکده اولدیلرینی ده کورمش ، بوندن طولانی ده نظر انتباهی آچلمش
ایدی .

قافله ایله برلکده مکیه عودت ایلدکلی اثنادهده هر کون
اشتداد حرارت هنگامنده غایت لطیف قوش شکنده ایکی ملک
هواده ، مبارک باشی اوزرنده حرکت ایتمکده اولدینی کورلمکده ایدی .
ایشته بواحوال خارقه دن طولانی میسره رسول اکرم حضرتلرینه
کندی کوله سی کی انقیاد واحترامده بولنوردی ، عسفان نام محلی
کچدکن صوکرآ آن وادی فاطمه دیبه یاد اولنان محله قافله توقف
ایدنجه میسره نك خیر خواهانه خطاری اوزرینه رسول اکرم حضرتلری
تعجیل حرکت ، وقت ظهرده ، اشتداد حرارت هنگامنده شهره
مواصلت بیوردی .

حضرت خدیجه ایسه استخبار کیفیت ایله خانه سنده کائن برضرفیه
صعود ایله انتظارده بولنیوردی . قدوم رسالتپناه اثناسنده رأس
مبارکلی اوزره تظلیل وظیفه سنی ایفا ایدن ملکلی بالذات کوردی ،
یاننده کی قادیلرده کوستردک حیران اولدی . لدی الملاقات آلدینی
تجارت فوق العاده تبشیراتنده سهوینه رک رسول اکرمه اولجه وعد
ایتمش اولدینی مبلغ تجارتک ایکی مثنی تقدیم ایتدی .

مشارالیه حائر بولندینی فطانت خارقه ورویت فطریه سیله برابر
عم زاده سی آتی الذکر ورقه بن نوفل دن نبوته دایرک چوق معلومات ده
تلقی ایتش بولنیوردی ، یاقین زمانده بعث بیوروله جق نی ذیشان
انتظارنده اولاندردن ایدی . رسول اکرم افندیلمزک حالات سنیه

اعجاز کارانه لرینه عائد میسرمدن استماع ایلدیکی بشائر سالفهده نظر
دقتی جالب اولمغایه جان وکوکلدن عاشق رسول اولدی . پیغمبر زوجیه سی
اولوبده بی نهایت شرف وسعادت احراز ایتک املنه دوشدی ، بردها
تأهل ایتمه مک خصوصه دائر ویرمش اولدینی قرارندن واز کچدی .
[فی الحقیقه مشارالیه آرتق کندی عالنده یاشامق عزمنده بولنیوردی .
کنیدیسی نسب طاهر وحسب فاخر ومال وافر صاحبیه سی اولدینی
جهتله ازدواجی منت جان عد ایدن اک شرفلی کنجاری رد ایتمکده
ایدی . بوندن طولانی مشارالیه تکلیف ازدواج جسارتی کیسهده
قلماشیدی .]

ایشته بو عزم واشتیاق سائقه سیله رسول اکرم افکار ومطالعاتی
اکلامق مقصدیله نفیسه بنت امیه نام خاتونی نزد رسالتپناهیه کوندردی .
مومالیه رسول اکرم حضرتلرینه نیچون اک شریفه برقادینه تأهل
ایتمه دکلینی صوردی . اولیه برقادینی اعاشیه حسب الوقت قدرتیاب
اولدینی جوابی آلدی . اگر بویله مال وجمال وشرف وکفایتی
حائر برقادین طرفدن بلاقید ولاشرط تسلیمیت کامله عرض اولنه جق
اولسه نه بیورورسکنز دینجسه بواوصافی جامع اوله جق قادین کیم
اوله بیلیر ؟ بیوردی . نفیسه دیورکه بن سیده خدیجه اولسه مناسب
دکلی ؟ دیدم . بیوردیلرکه بویله خیرلی بر ازدواجه راضی اولورم فقط
کیم توسط ایده بیلیر ! دیدم که بن توسط ایدرم . حضرت خدیجه یه
محاوره منری تماماً حکایه ایتدیکم زمان پک زیاده محظوظ اولدی .
جناب حقه مکرراً عرض شکران ایلدی . درعقب موافقت بیوردینی
تقدیرده نی عموجه مدن طلب ایتسون دیبه خبر کوندردی . [چونکه
قول راجحه کوره پدیری خویلد وفات ایتش بولنیوردی .]

رسول اکرم ابو طالبه حکایه ماجری بیوردقده مومالیه
مشارالیه نك عموجه سی عمرو بن اسدک نزدینه وارارق کمال احترام
واعزازله طلبیده بولدی . عمرو مزبور حضرت خدیجه دن آلمش اولدینی
تعلیمات اوزرینه مع الافتخار اظهار موافقتله امرمسنون ازدواجه
قرار ویرلدی .

بیانات معروضه دن بومبارک سفر وسياحت ایله ازدواج مسعوده
موافقت نه درلو اسباب ومقدمات ایله حصوله کلدیکی ، نه قدر شان
وشرفلی نتایج حسنه وثمرات مستحسنه ظهوره کتیرمش اولدینی
واضحاً اکلاشلمقدهدر . بوقدرجک معلوماتی حائر اولان ارباب
درایت وانصاف آرتق دوزی وهیالربنک بوراده اغراض ایله مالا
مال اولان باطل سوزلرینک هانکیسنه مقارن حقیقت نظریله باقه
بیلیرلر ؟]

مناسرتلی اسماعیل حق

کچن مقاله ده (سؤال ایدنده ، غرضکارک خبیثه نك ، رعی ، حرمتلری ،
اولیور ، مشروحه) کله لری (سؤال ایدنلره ، غرضکاری خبیثک ، رعی
ایله ، جرأتلری ، اولیورلر ؟ مشروعه) صورتنده تصحیح اولمق ایجاب
اید .